

河源紀略

傅增湘題

欽定河源紀畧

質實

臣等謹案西域河源載於史記大宛傳及漢書西域傳吐蕃河源載於唐書吐蕃傳及元史地理志附錄自是言河源者或信西域而疑吐蕃或信吐蕃而疑西域各膠一說靡所折衷今自西陲底定葱嶺南北咸隸版圖黃流所經無不與史漢相符合乾隆四十七年又

特命侍衛阿彌達至星宿海西三百里阿勒坦郭勒窮溯真源證以

欽定輿地全圖乃知葱嶺以東喀什噶爾葉爾羌和闐諸水至羅布淖爾伏流再出於阿勒坦噶達素齊老所謂重源潛發者前古所疑始渙然冰釋復蒙御製河源詩一章

御製讀宋史河渠志一篇刊誤決疑徵今考古洵足昭垂日月傳信萬禩謹仰遵

聖訓詳述河源伏見之迹分合之派經過之方按今山川道里及星度測量畧仿水經注例編爲質實五卷昔酈道元謂水陸路殊徑復不同淺見未聞非所詳究矧臣等學術舛鄙耳目未周而遭逢

聖際同軌同文得以欽承

旨訓稽考輿圖山川萬里瞭若目前臣等職奉編摩不

勝榮幸兢惕之至

爲刊誤表 / 復今考古海內

聖訓前集 卷之五 迹分合之派經過之方按余山

劉崇字勉勵之至是書仿本經生例編爲實錄

百篇審其輿圖山川萬里雖尋目前不將鄉卷歸本

聖訓同舉何文掛以爲無益耳日未周而得達

欽定河源紀畧卷九

質實一

河水發源回部之西陲始見於喀什塔什吉布察克諸山卽蔥嶺也有二源其西源爲喀什噶爾河

喀什噶爾河

回語喀什謂各色噶爾謂磚房其地富庶多磚房故以名其城卽以名其河也

爲大河最遠之初源有二支西支出吉布察克山

回語

山名東南流一百八十里有水自阿喇古山

回語阿喇古兩山夾

溝之謂西流三百六十里來會之行六十里瀦於哈喇

庫爾

回語哈喇黑色也庫爾謂池也池水色黑故名

當和斯魯克嶺

回語山名之

東周圍九十餘里復東流經察哈爾阿勒爾

回語地名之

南喀什塔什嶺

回語喀什各色也塔什山名也山石斑剝衆色故名

之北各有

數水來會行四百餘里經塔什布里克城

回語塔什石也布里克

克有也地名多石故名

南爲雅璊雅爾河

回語雅璊厭棄之謂雅爾河水深難越故名

又二百里至庫森

準語庫森願欲之謂瀕河地腴人願欲之故名

西源處極

四十度西四十五度其南有格斯阿爾雅

回語水名水東

流二百六十里至英噶薩爾城

回語英噶謂新也薩爾謂城也從其始建

而名也

北有察罕水

回語察罕白色也水色白故名

東行一百四十里

至托布薩克

回語地名有城

境二水自伏不流西北支出阿

喇古山

音義已見前凡重見者皆不復注後倣此

南分二支名得爾必楚

克河

回語水名

二百里經喀什噶爾城南而合有博什克

勒木城

回語地名有城

水自西北流八十里來會其北有博

爾和什水

回語水名

出札岳克嶺

回語山名

至阿爾圖什城

回語

地名有城

西有巴爾昌水

回語巴爾有也昌地起浮塵之謂水旁多沙塵故名

流至

阿爾圖什城

回語地名有城

東二水自止不流喀什噶爾河

西北源處極四十度八分西四十三度二分二源既

合出山東北流五百里至巴爾楚克城

回語楚克全有也地饒水

草故名

南又八百里至噶巴克阿克集

回語地名

境與西南

來之葉爾羌河

回語葉爾謂地也羌寬廣之謂其地寬廣故以名其城卽以名其水也

會

其西南源爲葉爾羌河

葉爾羌河有二支南支出和闐

回語地名即古于闐之轉音

西境

大山二支同出合流二百四十里至沙圖城

回語地名有城

北分爲二東西行百八十里復合東行百里爲聽雜

布河

回語水名

其東有達斯滾河

回語水急流也其水迅急故名

經哈爾

哈里克城

回語地名有城

匯爲池又東有愛格爾泉

回語泉水名

又東有皮西那水

回語水名

相去各三四十里入戈壁

回語

大沙磧也地多大沙磧故名

南源極三十六度六分西三十九度

西支有三一出喀楚特城

回語地名有城故名

西大山其隔山

西水爲雅布塔爾

回語水名

西流數千里入達里岡阿鄂

謨

回語鄂謨海大海之名

者也西源流一百六十里至羌呼爾

回語地名地有一源出齊齊克里克嶺回語齊齊克里克花也

木故名流一百二十里經塞勒庫爾城回語地名有城東南合

流又一源西自特拉克嶺回語特勒克楊樹故名南流一

百二十里來會為托克布隆河回語水名南流折而北而

東五百里至卡魯爾葉什回語地名境分二支經葉爾羌

城南北各流四百里復合流四十餘里與東來之聽

雜布河合東北流四百餘里至瑪雜爾塔克境回語山名

其南為戈壁又東行五百里至噶巴克阿克集地與

喀什噶爾河會西源極三十七度至三十八度西四

十二度

河水又一源出和闐南山北流爲和闐河

和闐河凡二支其西支出尼鱗依山

西番語雪山也回語亦同山多

雪故名

東北流經丕西捺

回語地名

之北至枯枯跌里克多

干枯珊

回語地名出雄黃

境有哈喇哈什河

回語哈喇黑色也哈什謂玉石

也水產黑玉故名

自北來注之合而折北經額里齊和闐

回語

額里齊居民環城之謂和闐之鎮城也

之西過勒沁托海

回語勒沁海東青也托海

水灣也水濱多此故名

至厄格爾雅爾

回語地名

長六百八十里其

東支亦出尼鱗依山名玉隴哈什水

回語玉隴往取也哈什謂玉石

也回人于此水撈玉故名

行百餘里分流繞玉隴哈什和闐之東

西復合經勒沁托海東至厄格爾雅爾

回語地名

長四百

四十里與西源會東北流經托克三克爾

回語托克三十九數

也克爾有也地有九十戶居之故名

之東曲曲流四百餘里至噶巴克

阿克集境與西來之喀什噶爾河葉爾羌河會源處

極三十六度東源西三十五度西源西三十六度八

分和闐河兩旁皆大沙磧縱廣數千里西有都瓦城

回語都瓦有城祝告天地處也

水出烏樽阿拉拉庫珊

回語地名

經皮雅

爾瑪

回語地名

入沙磧長一百八十里又西有三珠城

回語

地名水經坤得里克

回語地名犯人帶木狗者所居也

北流入伊斯

庫爾淖爾

回語伊斯水名庫爾淖爾皆謂池也

長四百餘里諸水皆在

沙磧中不與和闐河顯合然中無大山間隔知其伏

流相會矣和闐河之東出南山麓者有塔克城

回語塔克

山石也城在南山中故名水出哈喇塔克山

回語謂黑色石山也

經察拉城

回語地名

入沙磧長二百餘里有克勒底雅河

回語克勒

底意其來而未定之詞雅問詞也舊傳其名如此未詳其由

南流爲葉新淖爾

回語

池長一百二十里又東有喀爾喀什水

回語謂有各色玉石也

阿里坦郭必水

蒙古語阿里坦金也郭必旱海也沙海色黃故名

蘇格特水

回語蘇格特謂栽成之柳也地多柳樹故名

巴爾烏圖水

回語水名

噶順淖爾

回語噶順味苦也水味苦故名

或長五十里或長一百二十三里而

噶順淖爾爲大諸水極三十六度西三十三度至二

十九度皆和闐河之旁流

三源既合有阿克蘇河自北來會

阿克蘇河

回語阿克白色也蘇水也相傳其地昔有水患高城深溝以避之既以名其城亦以

名其水也

有二支西支出喀克善山

回語山名

名博得爾河

回語

水名

南流一百里至額爾濟巴什嶺

回語水名

之北有一水

自北來注之行七十里至松塔什

回語松高矗之象塔什石也山有石

高矗故名

境分二支並東北流一百八十里至古木克齊

故名

克回語地境復合經烏什城

回語烏什即烏赤山石突出之謂城居山上故

名北為多什罕河

回語水名

東稍南流二百六十里至哲

爾格哲得克

回語哲爾格林立之謂哲得克沙棗也地多沙棗故名

境源處極

西十一度西三十九度八分東源出北山名特穆爾

蘇蒙古語特穆爾鐵也蘇水也水色如鐵故名南流八十里有庫庫爾蘇

蒙古語庫庫青色也蘇水也水色青故名南流來會又行一百十里經克

蘇哲爾城回語地名有城西此水源處極四十一度八分西

三十七度其東有阿扎噶拉河回語水名出北山分爲二

支至雅穆回語地名止不流東源與烏什河會流六十里

復分爲二支西支行二百里東支經博什里克哈拉

塔爾回語地名亦二百里而合入于西來之喀什噶爾河

葉爾羌河和闐河並會卽噶巴克阿克集之北境也

會處四水交貫形如井欄極四十度四分西三十五

度五分

按河水二源出蔥嶺于闐自古言之今考和闐山西北天山西南連峯崛起千有餘里岡巒隨處異名回部土人以喀什塔什嶺爲蔥嶺總目其實自札克安巴山尼蟒依山喀楚特山迤西山形西驚經喀什塔什嶺和斯魯克嶺吉布察克山山形始折而北至阿喇古折而東行至博得里克又千餘里自此以往爲天山正幹自吉布察克諸山以西隔山之水皆西流屈曲滙於達里岡阿鄂謨博得里克以北隔山之水皆北流爲池爲海其大者滙於騰吉思鄂謨入西北海俱與河源隔絕山勢所

分水流一向一背各成條理不可混淆益以驗兩
山間河源之真蹟也葱嶺二源最長者喀什噶爾
二千七百餘里次葉爾羌二千一百餘里和闐山
河長一千一百里阿克蘇九百餘里流注交匯蓋
山勢寫曲遼濶衆源迸集導以東行亦地勢然也
喀什噶爾河源至阿克蘇河源中隔七八百里大
山甚夥衆水盡入喀什噶爾河無可指名者蓋三
大源旣盡吞諸水畧無旁泄纖支細流咸包納乎
其中茲編恭依

欽定輿圖敘錄圖所紀載可指目者詳其曲折備著於